

Jonr dwandfamo husyuk gontwat

Barkofkfo nuhas mrokfom

Ndar husyuk gontwat sioshu bro yima Jonr wandfamort. Ndar gontwat yiyuk yimaroh yufam nhai htarmorm. Bok yimam duka memom, ka wom sioshu tuhan yindariroh yufampno htafmort. Sios futamort, mett. Sioshu Kristenm futamorm, “rothu yonm.” Ndar gontwat to rroh nayak marnyahato toh marnya yuhami yo giaman tisam, yimam frnheh htfaswa yuharoh kfo dukayuk mrokfomn wandfamorm.

**Bro Nkifrarhu tu yafothet
mrokfot bi yakitohetnom,
yakitoh bmta kihkfot. Nndo nndo
mrokfom hik duha.**

¹ Na sioshu bro tohak yimaya. Ni metni* rothu yonm† dukiwoyann ndar gontwat wandfiwanko. To mirahko ka be nanrpaya dukiwanko. Nhai. Bro Nkifrarhu mrokfo mifmift yakitohet yimam rompno rpat duke-wunomko.

² Bro Nkifrarhu tu yafothet mrokfo mifmift nom yakitohwanomn nd nikmoh duka yima yuhur niewur-nom. Nd Bro Nkifrarhu mrokfo mifmift be yakitoh nkifranirahnomt.

* **1.1** (1) Sios futamort, “mett”. † **1.1** (1) Sioshu Kristenm futamorm, “rothu yonm”.

³ Bro Yifemri rorhu yon Jisas Kraistr yuhuwaſhato yak marnyaruhatſm nmoh toh nmbuham, yima yuhum be mirhuruhamn nmoh dukeſm be roſhu dukeſrpnno rhuſhato Bro Nkifrarhu mrokfo mifmifſrpatn yakitoh hanyrah-nom.

Wommpno nayak marnyahato rpat tohkſot

⁴ Ninhu wom yonm Bro Nkifrarhu mrokfo mifmifſt yakitohhato hikwatmt na yindhorwa. Bro Nkifrar to ndhtet toh yuhamn kfiwurnom tohneft.

⁵ To bar mete, wom mrokſot kforuhant. Nmoh toh nmbuhat nom tunom nayak marnyahato rpat tohkſot. Ndt nhai be nfri mrokſot kanjo kſo ptha-kahant. Nhai. Nom Bro Nkifrarhu mrokſot riwanyakhato riyakitohak-mohat, bi nd yiha nd mrokſot bi riwanyakmonomt.

⁶ Nd nayak marnya-hato rpat tohneft, Bro Nkifrarhu kſo-yuk mrokſoyet. Ndt bi riwanyakmonomt. Nom Bro Nkifrarpnno nayak marnya-hato rpat tohrahnom be rorhu kſoyuk mrokſom hikrahnom.

Kraisrhu mrokſot yakitoh dbkaſkihſot

⁷ Wawanyko, giaman tiſam ndar bbinyſoft bi thu yufurniromt. Nd yimam kſo yamukam Jisas Kraistr nhai yima mifm kanjo ndar bbinyſoft tohrmor. To ndhtet kſet yimamn yi htſaſwamn yimam kſo nheh bonheh htſaſwomm. Jisaſr be hti dbnot thuwomr.

⁸ To niko wadukaſ hanyſwako. Yihotar bi nia niamonomrn bi kmir myak fnah yibonwonom.

To mirahko bi brboharn tfit manoh yuhat ariwitanom. Toh bmtahato kmir rpat myak fnahrahnomr. Kmir myak fnahhato hti hanyrahkomm niko yak hanyuk shrkar.

⁹ Wom yimar Kraistr kfo htayuk mrokfo yuham myak htanihato turhu dukefrn hikneft, nd yimar nhai wom dukakahrr Bro Nkifrar. Be mong trohnitrr. Yimar Kraistr kfo htayuk mrokfo yuham hikwar, Bro Yifem nitohfpno brbo frtkafwor.

¹⁰ Niko bi kfo htewanko. Wom yimar nndo mrokfot hnewurt, wany nhtakfot afo. Nhai ndar niko wanuka mrokfot kanjo rorhu mrokfot kfokahrt, mirahko nd yimar akfo yindhorkahnomr ayakni kunyko ahanyynomr.

¹¹ Ndhtet yimar kfo yindhorrhato yaknirahkomr, to be rorhu hingrnef bebt fknirahko.

Wuroh kfo yindhor mrokfom

¹² Nikompno bok mrokfeta. Gon-twatn mrokfom htaneft nhai wofnkaha. Kto wom yihamn nierhoyann yima tnge nakfo tndh nuhasrahnom. Tnge nakfo ptharuhanomn yima yuhum yindhorrahm.

¹³ Nikmoh mndaremt[‡] Bro Nkifrarhu yufat yorhwat, rothu yonm[§] niko dukahato kfo yindhor mrokfot htefiwumko.

[‡] **1.13** (13) Wom sios futamort, “mndaremt” **§ 1.13** (13) Sioshu Kristenm futamorm, “rothu yonm”

Bro Nkifrarhu Mrokfot
The New Testament in the Alamblak language of
Papua New Guinea
Nupela Testamen long tokples Alamblak long Niugini
copyright © 2003, 2004 Wycliffe Bible Translators, Inc.

Language: Alamblak

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2011-07-22

PDF generated using Haiola and XeLaTeX on 18 Mar 2025 from source files dated 31 Aug 2023

e543742f-8ea0-5b0f-8d98-b42933b0c997